

## “PLAN DE CONTINXENCIA CURSO 2021-2022”

<b>1.</b>	<b>Datos do centro</b>
-----------	------------------------

<b>Código</b>	<b>Denominación</b>
15027253	CEIP Isaac Díaz Pardo

<b>Enderezo</b>		<b>C.P.</b>
Avenida Ribados, s/n (Carcabelos)		15670
<b>Localidade</b>	<b>Concello</b>	<b>Provincia</b>
O Burgo	Culleredo	A Coruña
<b>Teléfono</b>	<b>Correo electrónico</b>	
881880611	ceip.diaz.pardo@edu.xunta.es	
<b>Páxina web</b>		
<a href="https://www.edu.xunta.gal/centros/ceipdiazpardo/">https://www.edu.xunta.gal/centros/ceipdiazpardo/</a>		

O Plan de Continxencia ten por finalidade establecer os procesos para o reinicio da actividade académica presencial no caso de que se teña interrompido a suspensión da actividade lectiva como consecuencia da aparición dun abrocho que supoña o cese da actividade presencial nun aula/etapa educativa/centro.

## **1. ACTUACIÓNS PREVIAS DIANTE DA APARICIÓ DUN ABROCHO**

Non asistirán ao centro aqueles estudantes, docentes e outros profesionais que teñan síntomas compatibles con COVID-19, así como aqueles que se atopen en illamento por diagnóstico de COVID-19, ou en período de corentena domiciliaria por ter contacto estreito con algunha persoa con síntomas ou diagnosticada de COVID-19.

Diante dun suposto no que unha persoa ou alumno da que se sospeita que comeza a desenvolver síntomas compatibles con COVID-19 no centro educativo seguirase o presente plan de continxencia e levarase a un espazo separado de uso individual, colocárselle unha máscara cirúrxica (tanto ao que iniciou síntomas como á persoa que quede ao seu coidado), e contactarase coa familia, no caso de afectar a alumnado.

Débase chamar ao centro de saúde de Atención Primaria de referencia, ou ao teléfono de referencia do SERGAS e seguiranse as súas instrucións. En caso de presentar síntomas de gravidade ou dificultade respiratoria chamarase ao 061. O/A traballador/a que inicie síntomas debe abandonar o seu posto de traballo protexido por máscara, e logo de seguir as instrucións do centro de saúde ata que a súa situación médica sexa valorada por un profesional sanitario.

No suposto da aparición dun caso, ou dunha sospeita, de coronavirus nun centro educativo tanto sexa do alumnado, profesorado ou persoal do centro, a persoa coordinadora do equipo formado na COVID-19, a petición dos servizos de saúde a través de EduCOVID, incluírá na aplicación informática a información prevista do eventual afectado/a relativa aos contactos estreitos, dos compañeiros/as afectados e do seu profesorado, así como de quen sexa persoa próxima vencellada ao centro educativo.

A familia dun neno ou nena con sospeita de contaxio, deberá solicitar unha consulta telefónica co seu pediatra para que este avalíe a necesidade de solicitude dun test diagnóstico. Se non houberse cita para ese mesmo día, acudirá ao PAC para a valoración polo médico de atención primaria.

Tras a aparición dun caso diagnóstico da Covid 19 seguíanse as recomendacións da Xefatura Territorial de Sanidade, sendo posible que nun centro teña que estar illada unha parte dun centro educativo (aula ou grupo de aulas) mantendo o funcionamento do resto da forma habitual en función do número de contactos identificados en cada abrocho.

A autoridade sanitaria, en coordinación coa Consellería de Educación determinará en cada caso o número de persoal e alumnado afectado e a duración das medidas de corentena o que se comunicará ao equipo COVID do centro para a súa comunicación á comunidade educativa, sen prexuízo da información que sexa facilitada pola autoridade sanitaria.

A aparición dun contaxio sospeitoso con posterior confirmación é un suposto de declaración obrigatoria que implicará por parte da autoridade sanitaria a obriga de entrada en corentena de polo menos 10 días a todas as persoas que teñan a consideración de contacto próximo.

A suspensión da actividade lectiva presencial suporá a aplicación das normas previstas no presente protocolo relativas ao ensino a distancia, establecido no Plan de ensino virtual do centro en consonancia co establecido nas resolucións da Consellería establecidas para estes efectos.

## **ACTUACIÓNS PARA O PERIODO DE ACTIVIDADE LECTIVA NON PRESENCIAL**

O ensino non presencial será impartido polo profesorado ordinario do alumnado preferentemente a través da aula virtual de cada grupo. O profesorado realizará o seguimento do alumnado impartindo os coñecementos da materia de xeito virtual a través dos contidos dispoñibles ben achegados polo profesorado o ben os que poña a disposición a Consellería. Igualmente o/a profesor/a poderá poñer tarefas ao alumnado que reforcen co contido da materia ou a avaliación continua da mesma.

O equipo COVID do centro identificará ao alumnado que teña dificultades de conexión o falla de equipamento para que a consellería adopte as medidas oportunas que minimicen as eventuais dificultades da educación realizada por medios telemáticos.

Para cada caso concreto de suspensión da actividade lectiva presencial a Consellería poderá adoptar as medidas oportunas en relación cos períodos ordinarios de avaliación do alumnado cando coincidan co tempo de suspensión.

Durante o período de suspensión da actividade presencial o centro educativo ten previstas as seguintes medidas:

- O coordinador COVID comunicará ao titor/titora correspondente a apertura do plan de continxencia por mor dun caso positivo.
- O titor comunicará, á súa vez, dita circunstancia ao resto do profesorado que imparta no grupo, e de xeito coordinado, deseñarán o plan de actuación para este alumnado.
- O titor realizará unha primeira comunicación coa familia para informar do plan e coordinar as actuacións, informando dos horarios espello, das conexións a realizar e das tarefas a levar a cabo.
- Manter o contacto permanente co alumnado e as súas familias, tanto para coñecer a evolución do estado de saúde como para continuar co ensino a distancia.
- Actualizar a aula virtual dos niveis afectados para garantir a continuidade do proceso de ensino-aprendizaxe. No caso dos cursos de 5º e 6º de primaria empregárase a plataforma EDIXGAL.
- Realizar as tarefas de desinfección necesarias no centro.
- Revisar o protocolo para corrixir posibles erros ou modificar o que se estime oportuno.
- O Departamento de Orientación velará porque a atención ao alumnado con NEAE sexa axeitada neste período, establecendo unha coordinación axeitada entre o profesorado titor e os profesionais de apoio. Ditas medidas estarán detalladas no Plan de Orientación do centro previsto para este curso.
- Unha vez que o alumno/a ou grupo de alumnado finalice a corentena prevista ou supere a enfermidade incorporárase á

actividade lectiva con normalidade.

- Nas dúas primeiras xornadas posteriores á incorporación realizaranse actividades de concienciación e lembranza das normas, así como propostas para comprobar o impacto da docencia telemática, revisando tarefas e repasando contidos/proxectos

